



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1844**

XII. Die Grafen Günther, Ulrich, Adolph und Busso, vereignen dem Altare St. Jacobi und Mariä-Magdalenä in der Pfarrkirche zu Neuruppin gewisse Hebungen aus dem Hufen- und Ruthenzinse, im Jahre 1328.

[urn:nbn:de:hbz:466:1-54407](https://nbn-resolving.org/urn:nbn:de:hbz:466:1-54407)

consensu, Altare ad honorem et laudem divini nominis atque in honorem beati Martini episcopi et confessoris in Ecclesia beate Marie virginis genetricis dei cum quatuor ortis et fructibus eorum, sitis ante civitatem jam dictam ad dextram, cum exitur per portam civitatis versus Antiquam Reppin, ab omni impetitione eorum heredum libere, dotavissent et unum talentum brandenburgensium denariorum ad idem altare, quod suis denariis rite et irrevocabiliter emerunt, optenta ejusdem talenti proprietate a nobilibus Dominis comitibus de Lyndow, apposuerunt adotando, Nos eorum affectum respicientes et illius dotationis (literis) diligenter examinatis tam dictorum dominorum comitum quam consulum et civitatis Reppin, ad instantiam predicti Johannis et Nicolai fratris sui et aliorum honestorum virorum, eo quod piis petitionibus et actibus non sit denegandus assensus, predictam foundationem ac dotationem in nomine domini gratas ac ratas habentes, auctoritate ordinaria, sicut de jure processerit, literis presentibus confirmamus. Datum Anno Domini MCCCXXVIII. Dominica Misericordia Domini.

Nach Bratring's und Feldmann's Handschriften.

XII. Die Grafen Günther, Ulrich, Adolph und Basso, vereignen dem Altare St. Jacobi und Maria-Magdalena in der Pfarrkirche zu Neurruppin gewisse Hebrungen aus dem Hufen- und Ruthenzinse, im Jahre 1328.

In nomine Domini Amen. Ad perpetuam rei memoriam. Nos Guntherus, Olricus, Adolphus et Basso, Dei gratia comites de Lyndow, tenore presencium publice protestamur, quod constituti coram nobis Hinricus et Basso de Treppen, nostri fideles, pro octo mansis adjacentibus civitati Reppin, appropriatis et annexis uni altari, ejusdem famuli et eorum heredes legitimi sunt patroni, fundato in ecclesia parochiali ejusdem civitatis, consecrato in honorem sancti Jacobi Apostoli et beate Marie Magdalene, apposuerunt et cum hiis scriptis apponunt, pro se et suis heredibus eidem altari, vice mansorum premissorum, quatuor talenta Brandenburgensium Denariorum, sita in censu arearum et mansorum ejusdem civitatis, percipienda annis singulis in festo Beati Martini confessoris de duodecim talentis, sitis in dicto censu eisdem fratribus collatis, Ita sane quod memorati fratres et eorum successores et heredes legitimi proximo fronte debent tollere octo talenta et immediate altaris quatuor talenta prius dicta ante omnes alios in censu impheodatos prelibato. Nos igitur Comites prefati, cultum Divinum augere cupientes, de piis illorum oblationibus, propter fragilitatem vite et temporis, fructum retributionis eterne carpere cupientes, proprietatem ante dictorum reddituum eidem altari, appropriamus et annectimus cum omni jure, libertate, fructu, honore, sine angaria, exactione, precaria, servicio et quolibet onere, quocumque nomine censetur, libere perpetuis temporibus valituram in suo robore et vigore. Renunciantes in hiis scriptis renuntiatione solempni dicte proprietati et eorum reddituum successioni, cuilibet actioni, juri, libertati et fructui, nobis aut nostris heredibus hoc tempore aut umquam temporibus futuris competenti, Adeo quod prefati redditus non debent perpetue ad usum humanum reuenire, sed potius Divino cultui deservire. Ut autem hec presens donacio perpetuis temporibus illesa perseveret, presentem paginam ad evidenciam plenioram super his confectam fecimus nostrorum et antedictorum fratrum sigillis unanimiter communiri. Testes hujus rei sunt Hinricus de Bellyn, Betkinus de Wiltbergh, Hermannus de Ghulen, Hermannus de Redere milites nostri cum pluribus fidei Constancia decoratis. Datum Reppyn, per manum Rulekini nostri notharii. Anno Dni. MCCCXXVIII. feria secunda proxima post Dominicam Sancte Trinitatis.

Nach Bratring's und Feldmann's Abschriften.